



Zelandia

<https://hdl.handle.net/1874/349818>



Blonk
ZEE-10

HOLLANDIÆ COMITATVS.

Hollandia vbique ferè mari, Mosæ, Rhenique ostijs, instar peninsula: septa est, non admodum spatiosa, vt quæ sexaginta milliariibus nostratibus in orbem tantùm pateat. Cōtinet tamen vnde triginta vrbes muris cinctas. quæ sunt *Dordracum*, ante centum quinquaginta plus minus annos insula maris inundatione facta: hæc quatuor fluminibus alluitur. Vrbs est potens, ciuibus locupletis, habitata, & pulcherrimis aedibus tam publicis quam priuatis exculta. Magnus hïc mercatorum confluxus: est enim hïc nundinatio seu (vt vulgò vocant, Teutonica voce *fiapel*) stabulum Rhenensis vini, frumenti, aliarumque mercium, quæ Rheno, Mosaque in has regiones nauigio venalia importantur. *Harlemum*; amplissima hæc est totius Hollandiæ vrbs, sita loco peramœno. Mœnia egressis statim occurrit nemusculum, quo ciues se festis diebus à labore & curis refocillent, idoneum. Delphi à fossa quam *Delft* vulgò appellant, nomen habent. Lanificium hïc ciues exercent. Optima hïc etiam cereuicia coquitur, quæ plurima in Zelandiam asportatur. *Leyda*, ad Rhenum non longè ab eius olim ostio, quod nunc arena obstructum cernitur. Opidum huius regionis vetustissimum putatur, à Legionem enim Romanam hic olim hibernante nomen habere credunt, vocantque latiniori voce *Lugdunum Batavorum*, *Gouda* à fluuio nomen habet & incolis frequens est *Amsterodamum*, ad sinum Tia vocatum magnificè exstructum, emporium est populosissimum. Per singulas ferè plateas Venetiarum instar, nauigio si mauult quàm pedestri itinere, negotia sua quiuis obire potest. Secundum ea vrbs post Antuerpiam, in mercatura locum apud Belgas habere vulgò perhibetur. *Emhusia* ad litus maris, quod vernaculè *Suyderzee* appellant, sita, nauium maximarum fabrica, etiam exteris innotuit. *Horna*, ad eundem sinum posita: Nundina: hïc celebrantur mense Maio, vbi butyri caseique maxima copia distrahitur. *Alemaria*: hic locus casei butyrique prouentui ceteris huius regionis ciuitatibus antecellit. *Purmerendum*, arce Comitum Egmundanorum clarum est. *Edamum*, fabricandis nauibus, & optimis caseis, etiam nomen meruit. *Monichedamum* præterea, *VVespa*, *Nardena*, *VVoerda*, & *Aqua veteres*, *Oudevvater* dicunt. Cannabis in huius territorio magna fertilitas, adeo vt hïc ferè omnia retia, funes atque rudentes quibus Hollandi, Zelandique in piscationibus vtuntur, conficiant. *Schoorhousia*, quasi bellos hortos dicas. Hic salmonum (quorum hic etiam stabulum, vti vini diximus Dordraci esse) assidua piscatio. Postea est *Iseistenum*, *Viana*: Item *Lerodamum*, *Affera*, & *Hueckelen*, vrbeculae in orbem ad amnem *Lingam* sitæ, quingentis passibus dumtaxat ab inuicem distantes *Gorichum*, & *VVorichum*, ad ripam *Vahalis* fluij è regione exstructa sunt. Sunt deinde *Huesden*, *Roterodamum*, *Schiedamum*, & vterque Mons, alter à Diua Gertrude, alter à seprenario numero notus, *Seuenbergen* & *Geertruyden-berge*. Alia præterea quedam opida habet, vt *Medemblichum*, *Beuero dicunt*, *Muidam*, *Neoportum*, *Vlaerdingam*, & *Grauesandam*. Supra quadringentos insuper pagos, inter quos supereminet *Haga Comitum*, iam olim Comitum Hollandiæ, & Senatus prouinciæ sedes, ob summam loci amœnitatem.

P. 104